

BARNES, EDWARD, bardd a chyfieithydd llyfrau crefyddol yn ail hanner y 18fed ganrif

Enw: Edward Barnes

Rhyw: Gwryw

Galwedigaeth: bardd a chyfieithydd llyfrau crefyddol yn ail hanner y 18fed ganrif

Maes gweithgaredd: Crefydd; Llenyddiaeth ac Ysgrifennu; Barddoniaeth; Ysgolheictod ac leithoedd

Awdur: David Myrddin Lloyd

Ganwyd yn Llanelwy, a bu'n athro ysgol yno. Yn ôl [Josiah Thomas Jones](#) yn *Geiriadur Bywgraffyddol o Enwogion Cymru* trodd yn Fethodist, a bu fyw am flynyddoedd yn Sir Drefaldwyn, a chrosawai yno bregethwyr teithiol i'w dy.

Ceir dwy garol blygain o'i waith ynghyd a cherdd yn erbyn medd-dod a cherdd yn erbyn bydol chwantau yn *Cyfaill i'r Cymro*, sef casgliad [William Hope](#). Mostyn, a argraffwyd yng Nghaer yn 1765. Yn N.L.W. MS. 843, a gopiwyd tua 1761, ceir cyfres o englynion ganddo i Dduw. Cyhoeddwyd yn 1784 ei gyfieithiad o'r *Llythyr o Gyngor difrifol...* gan De Courcy, yn 1785 y *Myfyrdodau a Sylwadau* gan Iago Herfei (sef James Hervey), ac yn 1792 ei gyfieithiad o bregeth Theophilus Priestley ar farwolaeth Selina, iarlles Huntingdon. Argraffwyd yng Nghaerlleon yn 1795 y *Patrwm dewisol rannau o ganiadau y Parchedig Rees Prichard ... ar ddull Geirlyfr Cymraeg a Saesneg gan Edward Barnes, Athraw Ysgol yn Caerwys*. Copi o hwn yw N.L.W. MS. 1477, ac arno mewn inc fe newidiwyd y dyddiad i 1797, a 'Caerwys' i 'Llanelwy.'

Awdur

David Myrddin Lloyd, (1909 - 1981)

Ffynonellau

H. Blackwell, [NLW MSS 9251-9277A: A Dictionary of Welsh Biography](#)

Josiah Thomas Jones, [Geiriadur Bywgraffyddol o Enwogion Cymru \(Aberdâr 1867-70\)](#), i, 19
Llyfryddiaeth y Cymry

Dolenni Ychwanegol

Wikidata: [Q20732926](#)

Dyddiad cyhoeddi: 1953

Hawlfraint Erthygl: <http://rightsstatements.org/page/InC/1.0/> 

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchefrydiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Ewch i'n [tudalen codi arian](#) am ragor o wybodaeth.

